



Ulloq: 24. maj 2024
Allaffik: Nordatlantkontoret
Sul.sulia.: Nanna Thorbøll Madsen
Suliap normua: 2023-05061
Takussutissiaq: 3161808

**Qanilleqqusinnginneq, najugaqataasinnaannginneq aamma
anisitsisarneq pillugit inatsisit assigiinngitsut
allanngortinneqarnerisa Kalaallit Nunaannut atuutilernissaat
pillugu peqqussut**

UAGUT FREDERIK QULINGAT, Guutip Saammaassineratigut uagut Danmarkip
Kunngia, nalunaarpugut:

Qanilleqqusinnginneq, najugaqataasinnaannginneq aamma anisitsisarneq pillugit inatsisip (erngerluni qanilleqqusinnginneq) allanngortinneqarnera pillugu inatsimmi nr. 1724-imi, 27. december 2016-imeersumi § 3 aamma pillaasarnermik inatsisip, eqqartuussisarnermik inatsisip aamma qanilleqqusinnginneq, najugaqataasinnaannginneq aamma anisitsisarneq pillugit inatsisip allanngortinneqarneri pillugu inatsimmi nr. 2600-imi, 28. december 2021-imeersumi § 5, imm. 2 malillugit (malersuineq akiorniarlugu suliniutit patajaallisaavigineqarnerat) aalajangerneqarpoq:

§ 1

Qanilleqqusinnginneq, najugaqataasinnaannginneq aamma anisitsisarneq pillugit inatsimmi, kunngip peqqussutaatigut nr. 250-ikkut, 20. marts 2017-imeersukkut Kalaallit Nunaannut atuutilersinneqartumi, inatsisikkullu nr. 572-ikkut, 10. maj 2022-imeersukkut aamma peqqussummi nr. 177. 27. februar 2024-imeersukkut allanngortinneqartumi, allannguinerit tulliuuttut suliarineqassapput:

1. § 2-p kingorna ilanngunneqassaaq:

»§ 2 a. Qanilleqqusinnginneq utaqqiisaagallartumik tunniunneqarsinnaavoq, ima pisoqarpat

- 1) § 2, imm. 1, nr. 1-imi taaneqartutut inuk tunngavissaqartutut isumaqarfigineqartumik allamik innarliisimasutut pasineqarpat,
- 2) § 2, imm. 1, nr. 2-mi piumasaqaat naammassineqarsimappat, aamma
- 3) inuup pissusissamisoortumik tulluartaumillu inuk alla taanna attaveqarfigissallugu soqutiginnippagu.

Imm. 2. Imm. 1 malillugu qanilleqqusinnginneq suli atuukkallassaaq aamma §§ 2 aamma 4 imaluunniit utertitsineq pillugu aalajangiisoqarpat, atorunnaassalluni.

Imm. 3. §§ 2 imaluunniit 4 malillugu aalajangiineq, imm. 1 malillugu aalajangiinerup nalunaarutigineqarnerata kingorna, sapinngisamik kingusinnerpaamik ullut 60-it qaangiutsinnagit aalajangerneqassaaq.«

2. § 5-imi, oqaaseqatigiinni siullerni, »piffissami ukiut 5 angullugit sivisussisilik«-p kingorna ilanngunneqassaaq: », taamaattoq § 2 a, imm. 2 takuuk«.

3. § 15-imi imm. 4-tut ilanngunneqassaaq:

»*Imm. 4.* Qanilleqqusinnginneq, najugaqataasinnaannginneq imaluunniit anisitsineq pillugu politidirektørip aalajangiinerata naammagittaalliuutigineqarnera, naammagittaalliortup aalajangiineq pillugu nalunaarummik tunineqarnerata kingorna, kingusinnerpaamik sapaatit akunneri sisamat qaangiutsinnagit statsadvokatimut tunniunneqassaaq. Piffissaliussamik qaangiineq akuerineqarsinnaasutut isigineqarpat, naammagittaalliuut kingusinaarluni tiguneqartoq, statsadvokatip suliarissallugu aalajangiiffigisinnaavaa.«

4. § 16-imi oqaaseqatigiit siulliit kingorna ilanngunneqassaaq:

»Atassuteqarnissap il.il. inerteqqutigineqarnerata assinganik § 2 a malillugu qanilleqqusinnginneq pillugu nalunaarutiginninneq pisimappat, qanilleqqusinnginneq pillugu aalajangiineq nutaamik nalunaarutigineqassanngilaq.«

§ 2

Imm. 1. Peqqussut atuutilersinneqassaaq 1. Juli 2025.

Imm. 2. Qanilleqqusinnginneq, najugaqataasinnaannginneq imaluunniit anisitsineq pillugu politidirektørip aalajangiinera pillugu

naammagittaalliuutinut, inatsisip atuutilernissaa sioqqullugu tunniunneqarsimasunut, peqqussut atuutinngilaq. Naammagittaalliuutinut taamaattunut manna tikillugu malittarisassat atuuttut atorneqassapput.

Tunniunneqarpoq [...], ulloq [...]

Kunngisut atsiorpugut naqissusiillutalu

FREDERIK R.

/ Peter Hummelgaard